



白沙子全集

和15
1084
15

十五



門人 和16
1084
卷 15

厓傾百丈泉直下注東川
翳流起大春覆茅於
其巔一爲利所驅取便世爭先
漢陰喻桔槔所
見無不然嗟哉抱瓮心古道何由全

謝鄧督府惠交藤酒至

使來遺一樽百金不願易
遇藥如遇仙奇方聞
在昔卓哉李文公作傳甚詳
悉感公嘉會心何
以酬公德但恐命不齊服藥也無益

曉枕

天地無窮年無窮吾亦在
獨立無朋儔誰爲自

白雲子全集 卷五
然配春陵造物徒斯人可神會有如壽厓者乃
我之儕輩永結無情遊相期八紘外

題端陽李太守甘霖重應卷

嶺南名刺史端陽有成績端陽問爲誰長沙垂
令德曰惟長沙公善非一代積去年苗欲稿公
寢不安席手拈一炷香須臾見昭假今年事復
然斯民忻目擊甘霖雨下土郊野望四塞滂沱
及隣壤秋田足民食公惠寧有心斯民感公德
口頌遂成碑舉手還加額安得長沙公爲我大

邦伯坐令十郡內廣布陽春澤閭閻與孝悌四
野無盜賊共育太和春網緼謝反側

偶得寄東所

知暮則知朝西風漲暮潮千秋一何短瞬息一
何遙有物萬象間不隨萬象凋舉目如見之何
必窮扶搖

登高未必高老脚且平步平步人不疑東西任
四顧豈無見在心何必擬諸古異體骨肉親有
生皆我與失之萬里途得之咫尺許得失在斯

須誰能別來去明日立秋來人方思處暑

和羅服周對菊見寄

春來苦不早春去常願遲嗟哉造化機萬物安
得知歲晏菊始吐鮮鮮在東籬不污桃李塵永
續徵君詩

龜山夜月

萬古此龜山萬古此明月開簾望龜山岱宗固
無別但恐山多雲風吹亂人睫

馬牙香

爐中煨白朮坐上有青天綺季奕未畢夷齊上
西山沉檀皆下品欲語不同年

題心泉贈黃叔仁

夜半汲山井山泉日日新不將泉照面白日多
飛塵飛塵亦無害莫弄桔槔頻

贈伍弼歸觀

諸生胡不歸九月望庭闈山北山南道紛紛落
葉飛呼兒巾木榻謝客掩荆扉不盡來時約堪
沾別處衣

真樂吟效康節體

真樂何從生生于氤氲間氤氲不在酒乃在心
之玄行如雲在天止如水在淵靜者識其端此
生當乾乾

得何時矩書

良友惠我書書中竟何如上言我所憂下述君
所移開緘讀三四亦足破煩汚丈夫立萬仞肯
受尋尺拘不見柴桑人丐食能歡娛孟軻走四
方從者數十車出處固有間誰能別賢愚鄙夫

患得失較計於其初高天與深淵懸絕徒嗟吁

五言絕句

曉起

偶然風折木村犬吠成羣此事真難免問君聞
不聞

辛苦南隣白遠雞方一鳴夜來風極急吹斷到
窓聲

冬眠不覺曉開門見白雲雲中何所有童子兩
三人

湖西九巖爲一峯題

光霽巖

風月佳名在乾坤浪跡空從來巖下客祗與異人逢

翠華巖

來說湖西者不及華山頂誰知巖中仙解作石柱屏

清風巖

聲從竇中來可以塞天地借問采薇人便知風

動處

府教巖

宋教授羅開禮所棲之地

府教英靈在虺蛇不敢居從來巖上月只是照虛無

極清巖

聲名野老畏草石貴人爭剗却巖中有悠然
是極清

英公巖

今名鍾英一峯所更

翠掩千尋洞青窺一竅天人間無絕境不要問

桃源

扇和巖

卽石柱巖

山骨短圓稜初疑削木成乾坤藏一柱猶得鎮巖扃

臥龍巖

巖有龍潭龍床床之旁有石仙人

龍出潭水空龍歸潭水黑君從龍床來誰在龍床側

月巖

閨闈月墮地忽在天中央墮地人不覺中天照

四方

題慈元廟

慈元一片石長留何處山厓門潮日至雪浪飛天關

題畫

金籠鎖鸚鵡山木縱斑鳩巧拙知誰是天機不自由

題畫松泉爲張別駕

松乃木之雄公亦人中龍何須看畫本千丈在

白沙子集

卷五

三

胸中

對酒

放歌當盡聲飲酒當盡情門前烏柏樹夜半子規鳴

答丘侍御送酒

石齋書本拙酒力巧相扶欲報霜臺貺山中一物無

雨後

久雨方行樂花前望玉臺人間見花樹不似玉

臺開

村步雜書所見

疎花明委巷細雨得今晨點綴非無意紅芳不是春

公飯何曾接衣冠不作人齋中有名酒分爾一杯春

晚食南山稻堂堂媿野人平生無可說一個白頭親

村笛轟牛背山花結帽頭騎牛勝騎馬曲坂沒

郎愁

趁罷江門市商船奪港歸溪山愁引望城郭更須知

日照南浦口初喧江市人小奴性嗜酒出飲畏吾嗔

戲贈求書饒大中還江右

書法一家成風波幾月程孤舟愁度險薦福有雷聲

代簡答方伯彭公

大賢望於人往往非獨守難將一人意滿足天

下口

氤氳復氤氳東君欲放春梅花何太早早報越

城人

絕句

清曉乘驢出北風吹澗藤沉吟澗邊道天意莫

留行

行止皆前定出門愁北風西郊不成往昨夜夢

途窮

白沙子集 卷五 五
贈鄭知縣雲卿別

又送夫君別芙蓉花可憐水深難折贈留伴老夫眠

與諸友夜過貞節橋

人影荒橋下蟲聲滿月中連翩雙大袖聊得颺溪風

讀張主事近稿

雨中月不見雨霽月還多雨被風吹去無風月奈何

對菊

浙浙西風至爲秋未有涯江邊聊一醉信手得黃花

不落龍山帽何須九日風更煩將小雨向晚洗花叢

春事歸桃李西風響未休長官三徑晚丞相一

坡秋

菊坡先生崔與之也

好個重陽節誰家酒不賒果然殺風景吸茗對秋葩

自少子集 卷五
天地花無數寒花色乃佳古詩拈未出除是長
官來

九月木犀花盛開偶成寄賀黃門克恭
香逐西風起氤氳入杳冥不知從此去幾日到
遼城

洗竹

風引一叢竹搖搖四五莖橫斜今洗盡道眼看
圓成

洗竹洗荒枝洗心洗狂馳老夫無可洗抱膝洗

吾詩

一洗一回疎相將洗到無客來莫問我北壁有
團蒲

曉起

籬頭過井水不打隔齋門手握南陽布纏頭數
竹孫

老不愛春華一籬孤負花胡爲聒我枕穉子打
朝鴉

自有無情蝶孤飛不傍花白頭聞見少閑動羽

蟲嗟

贈張叔亨侍御

天下元無事勞勞我有心相攜沙上語山月二
更深

觀羣兒釣

羣兒齊弄釣其一偏多遇餘三未得手投竿來
上樹

仰面看垂釣失脚墮危石若是謫仙人水中眠
亦得

閱丁知縣傳

模樣從看拙丹青只寫真乾坤如許大具眼豈
無人

夢中作

翩翩復翩翩天生我亦仙江山足風月吟弄到
何年

夢丁彥誠

與君生死別三四歲星周夢語分明記相悲各
點頭

對竹

竹色上墻多南薰綠幾何時無分付處野鳥自來歌

窗外竹青青窓間人獨坐究竟竹與人元來無兩個

北風卷頑雲陰晴安可卜海月出漸高獨照南窓竹

隨筆

苟能深積累豈患無高譽如何世中人甘心鐵

爐步

一歲十匹衣一日兩杯飯真樂苟不存衣食為心患

人不能外事事不能外理二障佛所名吾儒寧有此

斷除嗜欲想永撤天機障身居萬物中心在萬物上

小雨閉空齋青青竹映堦道人終日靜一枕到無懷

子美詩之聖堯夫更別傳後來操翰者二妙少
能兼

梅下雜詩

朝凭曲欄西暮凭曲欄東欄裏梅花好看花了

病翁

久共寬閑地儂薰自在香折來何所寄只是寄

遼陽

賀黃門欽也

贈人

萱親垂九十遊子尚天涯莫艤仙城棹南風夜

引旗

讀易偶成

南乎不可北東乎不可西自從孔孟來君子恒
處睽

張克修別駕約遊羅浮

重疊四百峯鐵橋在何處莫將別駕來同到飛
雲去

張克修見訪

滄溟幾萬里山泉未盈尺到海觀會同乾坤誰

眼碧

題劉鑑松

劉生於寫松能以酒力遣醉酤氣正豪蒼龍自
舒卷

題扇

風檣杓欲折五月瞿塘過何如此庵中紅日抱
膝坐

張帆海上回帆掛鐵橋樹驚起白蝦蟆跳上飛
雲去

贈胡地官次韻吳明府獻臣

有一范仲淹人將重名節馬上地曹郎翩翩起
吾粵

引滿花下杯延緣坐中客醉不大袖歌孰云此
門窄

題林府尊壽家慈書後

馬尾緣封事魚緘壽老親古今誠一揆藉用白
茅人

題顧通府集古倡和卷後

白沙子全集 卷五 五
滿眼珠玉光高才極雄騁對之不敢言稚子來
弄影 出化書

訪客舟中

船頭酒多少船尾閣春沙
恰到溪窮處山山枳殼花

夢後作

策杖獨行游青山一何深
道逢采藥人問我松脂林

見月時一吟夜涼天稱心
回頭望東川流水無

古今

幻迹有去來達觀無古今
長嘯人不聞山風吹蘿襟

楊柳餘朽株梧桐但疎陰
小臥不出門不知秋已深

贈鄺筠巢

山中一夜秋老屋居然別
丈人不飲酒共坐看明月

客乞題隨時子軒

自沙子集 卷五
無兩笠且置未晴蓑不捨蓑笠用不窮我是隨時者

題扇

東艇拍西艇小拍庸何傷夕風起驚濤艇艇爭低昂

一夫翁正揚一夫髮盡禿日暮船正歸前江風拔木

蔣韶州世欽挽詩

治郡聲名遠如何是我詩青山韶石老回首盡

交期

往事形骸外如今一夢休曹溪分我茗猶說蔣韶州

周京聞母喪歸弔以是詩

萬里無歸耗形將一木親遺言入肝肺真得太夫人

題南窓壁

南風吹面處不省是南窓此意無人會乾坤落酒缸

兩後示劉宗信林時嘉

一雨變新涼炎埃洗除盡廬山昨夜燈已照劉宗信

秋來亦淫潦日月闕其光乾坤丈夫事千古空堂堂

漫筆

幅巾是秀才袈裟是和尚伎倆人共知長篇事標榜

神泉八景爲饒鑑賦其四贈之

太極涵虛

混沌固有初渾淪本無物萬化自流形何處尋吾一

浮螺得月

道眼大小同乾坤一螺寄東山月出時我在觀溟處

茶山分香

江門白藕花我榻廬山頂君若去茶山茶香復誰領

神泉漱玉

焦明亦是鳳螢焰只疑燈安得石上泉爲洗世
中盲

九日

霜前淡淡花瓢內深深酒今日陶淵明廬山作
重九

同俗不同俗山杯映秋菊仍聞席上歌不是人
間曲

歌舞重陽酒今年有去年山中八石榻榻榻是

回仙

讀李評事承芳文

著論必無同乾坤孰此容人扶周孔教用世且
無功

一囊包宇宙到手問綱常所以東坡老嚶嚶薄
武王

不薄論交意因書稍稍知還將天下眼照破老
夫痴

送劉宗信還增城

夜宿黃雲塢秋登碧玉樓歸時一片石見月過
羅浮

山到鐵橋西青天一角低送君高處望天與帽
簷齊

菊花笑我前梅花撩我後問花花不言駐楫增
江口

山人偶出村送客村南道江山風日佳歲月乾
坤老

贈張叔亨侍御出按雲南

到治一萬里使君行莫遲梅花開樹樹不是向
南枝

碧玉樓眺望

樓遠見諸山目短意不盡天陰水怪興碧玉所
以鎮

贈克脩別駕遷梧州守來別白沙贈之

甲兵滿一船江門來訪別贈君欲何言笑把梅
花折

少年恣行遊老病徒拘綴送君今夜心還到蒼

梧去

贈陳護湛雨

說到忘言處無詩可贈君許將臨別意一點落黃雲

君若問鳶魚鳶魚體本虛我拈言外意六籍也無書

送李子長往懷集取道謁張梧州

春棹去江門泝流焉汲汲點筆烟外山歸來看懷集

不聞端別駕敬士如子長問道蒼梧下登歌刺史堂

贈范能用

溽暑不可處清風時滿樓如何傳別教衲被坐蒙頭

阮籍見孫登只聞孫登嘯針在繡不傳繡傳針不妙

西良容倫餽荔枝非桂州本色戲以是詩口溢桂州漿眼定西良色我是荔枝仙何人解

漫得

壽南山翁七十

朝看亦南山暮看亦南山南山南山長不老聊以永君年

萬株松上花千日杯中酒兒孫戲膝前一舞一回壽

贈太守黃公

水白端陽色梅紅嶺上花春風迎度馬秋月候歸槎

題宋丞相陳俊卿畫像

御史鉞爲肝張秦掛舌端至今湖嶠月猶作太師看

題宋狀元陳文龍畫像

文章甲天下氣節愧當時公母亦滂母千秋名其馳

梁惟正鄧德昌往來白沙途中遇盜惟正以舟泊淺奔于岸避之德昌抱書立船頭盜不加害戲贈以詩

白洲子全集 卷五 三
道逢惡少年打破兩生敬試問鄧德昌何如梁
惟正

曉枕偶成

采義非采薇食薇不食粟遙遙望西山千古巖
峩獨

西北多奇峯雲深香難認漢廷無謀臣黃綺皆
真隱

度危橋

事至絕安排放脚踏高崖如何謝上蔡旦旦習

危階

贈閔督府還陞南京秋官

司寇今欲行病叟山中臥如聞經略憂未向春
風破

吾聞用世心中外無異等何由一送公細話東
西省

贈林府尊

彼曰春泥人此曰人泥春晨朝出相送向夕望
歸輪

贈李克常

桃花被東岸江水日日深贈君豈無言亦有花
水吟

感事漫述與王樂用

丁侯為縣時不與謁者通古稱奉法吏秉筆惟
至公

留情重留情獄事果難明無輕赤子命為官急
書程

士而未聞道未免為物撓卓哉安心人外事若

無好

舍已莫委命從人莫登山嗚呼羅一峯逐善如

轉圓

寄淮上秋官姜仁夫

問客淮南道停舟過此無廬岡一端帛為我謝
仁夫

答王按治求乃翁挽四絕

樂善堂

樂善機應熟垂聲教不窮江山無盡意猶在典

刑中

月湖別墅

水月非無主長懷別墅秋湖光一萬頃端爲此翁留

可怡亭

此地還成趣庭柯幾度板亭中人不見月照門前山

吳山壽藏

山隱一坏土人思百代傳無窮身後事未若子

孫賢

題丁長官廟

何時重借寇此地一祠鄉四海諸侯望千年一炷香

會翠亭

東池久寂寞會翠得佳名小詩拈未出去尋王右丞

吳主簿詩主簿名則宣平人吳黃門仕偉之父也

白沙于全集 卷五
軍門止殺 按狀正統己巳閩城賊流毒
處民蟻附 朝命大司馬孫公原貞夷之
知先君謀略禮致幕下贊畫百協邑有三
巖民多避難於上偏脅之衆亦有聞義而
歸者命先君統之推誠示信無不感服寇
平孫又欲行法先君泣曰殲厥渠魁脅從
罔治矧旣歸命殺之不祥竟得免奏功授
鮑村巡檢

泣諫天應見坑降地不知自然殃慶至天道不

須疑

過與弗取 按狀景泰間分麗水爲宣平
復命先君董其役伐木於山役力於民期
年而功成孫曰難平邑作皆爾之能餘木
尚多可治爾居先君辭曰功成於上懸下
何有明公芟夷大難布德於瘡痍之民一
方獲安某也受賜多矣且官物不可入私
門未敢如命孫益敬之

百世高公綽千金謝魯連胸中無雅度勝事竟

誰傳

卜築西溪 按狀鮑村任滿陞華亭主簿
愛民如子處國如家凡有議讞多稱平焉
且疏于下民濬河渠禁賄賂等十事于
朝皆賜可松之地狹于蘇而漕數反出其
上又爲民陳情得減北運一萬石事載雲
間志在松十年勤勞罔懈僅五十而二毛
蕭然歎曰天道四時功成者退庸可不知
止乎遂乞致仕而歸卜築西溪之上

主簿能經濟中年未乞身西溪看卜築知是晏
眠人

寄嚴州林郡博緝熙

萬紫千紅外如君故可人桐江都滿樹海驛尚
含春

寄東所

春江正滿時未具衡陽楫還攜鄧俊圭江門與
君別

夢林緝熙

白雲子全集 卷五
酒闌歌不起老病無奈何夢滿桐江兩相對不
成歌

山樓本無夢我自夢嚴州嚴州誰夢我白雲天
際流

答柯明府

終秉循良筆難逃俗吏嗤不知三考績課最竟
何須

贈雷少尹還汀州

桔槔滿天地抱甕古來難哦松非俗吏哦松不

在山

覺後

馬圖不出河鉛刀不割痴上下幾千年揜卷一
沾衣

謝姜大叅惠酒

名公遺我酒洗琰自開嘗何以酬佳貺商歌示
不忘

武進八景爲徐嶺南絃作

龍山春雨

白沙子全集 卷五
長夏龍山曉人間望忽開長風捲雨去復送雲
歸來

笠澤烟波

何處烟波好公乘笠澤槎我泛江門月乾坤共
一家

龜山夜月

夜半龜山月能開萬頃秋試從開處望照公湖
上樓

陳灣壘嶂

丹青

陳灣壘嶂新我詩君莫笑還屬姓

陳人

薛堰通津

薛堰歸何處披圖想具區古來探本論無久也
無餘

亭山夕照

亭山不可喻華頂凌天台卑高本自形夕照從
西來

廟墩靈跡

採溺如救火造次遂捐生金陵人去遠枸鬼不
來爭

板橋書屋

板橋藹吾伊名稱已蓋世誰云龜山月不照新
堂睡

答無錫諸友

碧玉通書久青天感興新江門動秋思聊因寄
遠人

送米與何侃

野饌家禽小村春晚粒香莫言無厚餽吾意在
分嘗

九日用舊韻

新筍壓兩壺落英攜滿袖我非陶長官廬山還
九九

送黃希顏之太平推官

有官五馬後無官百揆前不將前後看須着有
無言

題高璿詩集

白沙子全集 卷五
神交傾蓋上心遠著詩時無由向人道人亦豈
能知

紀夢

一別三十年相逢不相識骨肉爲路人春風淚
沾臆

寄潘留鶴

有時牛亦坐何處鶴還留天台二萬丈誰踏此
冥謳

題伍光宇碑陰

松柏孤高處春風更可尋如君有賢配昭德在
碑陰

答廷實有懷見寄

白雲滿中野此地卽衡山莫擬西來棹須防失
路難

謝孟芳遺腹生男

充閭人所喜今日愴還深憶我初求乳誰知母
氏心

贈吳惠州繹思

皂蓋朝 天闕青山道故鄉高堂開壽筭酪酏
別莆陽

鵠鵠

初日上茅簷江邊有畫船八哥莫饒舌有

詔許歸眠

鵠鵠能言鳥能言我恨無白頭書小楷不及蔡
君模

九日諸生攜酒飲白沙醉中和答

老病得狂痴謹呼九日期自補登山屐誰供把

酒卮

諸君爲飲會老子不須期盡數籬前菊一花拈
一卮

九九八十一去來無窮期元精爲我酒大塊爲
我卮

對酒用九日韻

秋花新氣味秋月舊襟期獨唱花前曲閑傾月
下卮

行年三十許已卜入山期處處開花徑牀牀是

酒卮

飲酒何必多醺酣以為期不辭亦不勸三卮或

五卮

作詩尚平淡當與風雅期如飲玄酒者器用瓦
為卮

梅花

水陸花無數南枝愛殺人遙持一杯酒江上醉
花神

逢人間除日君得地曹郎此意憑誰寄梅花隱

石床

謂東
所也

九日懷麥岐時往江東未返用前韻

東西填脚債已過一秋期今日拈花處思君第
一卮

茱萸何處酒勝日與君期漁翁歌獨鈇江月夜
明卮

六言絕句

周鎬送白菊乞詩

陶令黃金遶舍君家白玉滿園千古清風廬阜

幾叢細雨江門

微醉不須酩酊半開莫待離披安得季芳與語
相思欲寄一枝

白菊偏宜素髮青山只對蒼顏
燕罷秋香滿腹
風吹不到長安

邀丁縣主賞菊

社會賦詩不就公當酌我杯盤
小酌倘尋舊雨
東籬還對長官

題枕

太華峯頭一枕千秋萬歲通靈
不怕惡蛙驚睡
鼻端三月雷鳴

漫興

風灑數莖白雪月臨一丈青筇
餘事歸詩卷裏
殘年放酒杯中

景斜瓦碗方食日晏柴門未開
五柳前身處士
一瓢今日顏回

晨光沼上魚戲夕陽村邊鳥來
東隣小兒識我
一日上樹千回

翠烟綠樹歌鳥青水紅蕖浴鷗笑問五湖范蠡
風濤何處扁舟

七言絕句

伍光宇卜室白沙爲讀書之所

君此卜居君亦足空村無人山多木參差芭蕉
麗晨旭新葉新心遞相續
競晨登登聞隔竹東隣老人事幽卜巍甌瓦盆
不供俗我不到門此翁獨

答段錦衣惠藥

